

## NÜXĪRAÜXÜ GA POPERA GA CUÁÜ ÜMATÜXÜ

### *Ore i tüxü maxëëxüchiga*

<sup>1</sup> Pexcëx tanaxümatü nachiga ya Tupana Nane ya Cristu ya yima woetama marü nüxĭra yexmacü ga yexguma noxritama tauta naäne üxgu. Rü nüma rü Ore i Maxëëëruü nixĭ i naega erü nüma nixĭ i tamaã nüxü yaxuxü i Tupanachiga rü tüxü namaxëëëxü. Rü toma ga norü ngüexügü na tixĭgüxü, rü nüxü taxĭnüë rü toxetümaã nüxü tadaugü rü tomëxmaã nüxü tingögü.

<sup>2</sup> Rü yima Maxëëëruü ya Cristu rü toxü nügü nawëx. Rü nüxü tadaugü rü duüxügümaã nüxü tixu na ñuxäcü yĭxü. Rü ñuxma rü pemaã rü ta nüxü tixuchiga ya yima Cristu ya tüxna naxäcü i maxü i taguma gúxü. Rü noxri rü Nanatüxütawa nayexma, natürü ñoma ga nañewa nangu rü toxcëx nangox.

<sup>3</sup> Rü yema toma nüxü tadaugüxü rü nüxü taxĭnüëxü rü pemaã nüxü tixu na tomücügü pixĭgüxüçëx, ngëxgumarüü i toma na Tanatü ya Tupana rü Nane ya Ngechuchu ya Cristumücügü tixĭgüxürüü.

<sup>4</sup> Rü ngëmacëx pexcëx tanaxümatü i ñaã ore na wüxigu aixcümäxüchi itaãëgüxüçëx.

### *Ñoma ngóonexürüü name ya Tupana*

<sup>5</sup> Rü ñaã nixĭ ga ore ga tomaã nüxü yaxuxü ga Ngechuchu ya Cristu. Rü pemaã nüxü tixu na

ñoma ngóonexürüü namexü ya Tupana, rü nawa rü nataxuma i chixexü i ñoma eñnexürüü ixixü, rü bai i íraxü.

<sup>6</sup> Rü ngëxguma chi:

“Tanatü ya Tupanamücügü tixĩgü”, ñagügu, natürü chixri imaxëgu, rü tidoraemare erü tama aixcüma meã tamaxë.

<sup>7</sup> Rü ngëxguma chi Tupanarüü ngóonexüwa imaxëgu, rü yigümücügü tixĩgü i yixema, rü Tupana Nane ya Ngechuchu rü nagümaã tüxü inayanatauxëë i guxüma i tórü chixexü.

<sup>8</sup> Ngëxguma chi nüxü ixuxgu rü:

“Changearü pecaduãx”, ñagügu, rü yigütama tawomüxëë, rü tidoraemare.

<sup>9</sup> Natürü ngëxguma chi Tupanamaã nüxü ixuxgu i tórü pecadugü, rü nüma tüxü nüxü nangechaü rü tüxü inayanatauxëë i guxüma i tórü chixexü, erü nüma rü mecü nixĩ rü taguma tüxü nawomüxëë.

<sup>10</sup> Natürü ngëxguma chi:

“Tangearü pecaduãxgü”, ñagügu, rü doratèex nüxü tawogü ya Tupana rü tama aixcüma tawa nangëxma i norü ore.

## 2

### *Cristu rü tórü chogürüü nixĩ*

<sup>1</sup> Pa Chauzacügüx, pexcèx chanaxümatü i ñaã ore na tama chixexü pexügüxücèx. Natürü ngëxguma chi wüxie chixexü üxgu, rü nangëxma ya tümaëtüwa chogücü nüxna ya Tanatü ya Tupana na tama tüxü napoxcuxücèx. Rü yima nixĩ ya Ngechuchu ya Cristu ya aixcüma mecü ixĩcü.

<sup>2</sup> Rü guma Ngechuchu ya Cristu rü nügü inaxã rü nayu na naxütanüãxücèx ga tórü pecadugü.

Rü tama tórü pecadugüxícatama naxütanü, natürü guxüma i duüxügüarü pecadugü ta naxütanü.

<sup>3</sup> Rü ngëxguma chi naga ixĩnüëgu i ngëma tüxü namuxü ya Tupana, rü nüxü tacuèx na aixcüma nüxü icuáxü.

<sup>4</sup> Rü ngëxguma chi wüxie:

“Choma rü Tupanaxü chacuèx”, ñagügu, natürü tama naga taxĩnügu i ngëma tüxü namuxü ya Tupana, rü wüxi i doratèxáxü tixĩ.

<sup>5</sup> Natürü yíxema naga ìnuxê i ngëma tüxü namuxü ya Tupana, rü aixcümaxüchi Tupanaxü tangechaü. Rü ngëmawa nüxü tacuèxgü na aixcüma Tupanaärü duüxügü ixĩgüxü.

<sup>6</sup> Rü yíxema:

“Tupanaärü duüxü chixĩ”, ñagüxe, rü name nixĩ na meã tamaxüxü yema Ngechuchu ya Cristu meã maxüxürüü.

### *Tupanaärü mu i ngexwacaxüxüchiga*

<sup>7</sup> Pa Chaueneëgüx, tama wüxi i ngexwacaxüxü i Tupanaärü mu nixĩ i pexcèx chaxümatüxü. Natürü ñaãtama noxriarü ügügumama pexü yexmaxü ga mu nixĩ. Rü ñaãtama nixĩ i Tupanaärü mu ga nuxcümaüxü ga marü nüxü pexĩnüëxü.

<sup>8</sup> Natürü ñaã Tupanaärü mu i pexcèx chaxümatüxü rü guxüguma nangexwacaxü. Rü ngëxguma naga pexĩnüëgu i ñaã Tupanaärü mu na pegü pengechaügüxü, rü tama eãnexüwatama pemaxê, natürü Cristurüü ngëma ngóonexü i aixcüma ixixüwa pengëxmagü.

<sup>9</sup> Rü ngëxguma chi wüxie:

“Choma rü ngẽma ngóonexũwa changẽxma”, ñagũgu, natürü tũmaẽneẽchi taxaixgu, rü ãnexũwatama tangẽxma.

10 Yíxema tũmaẽneẽxũ ngechaũxẽ rü ngóonexũwa tamaxũ, rü taxucèxma tũxcũũ pecadu taxü.

11 Natürü yíxema tũmaẽneẽchi aixe, rü ãnexũwatama tamaxũ, rü ãnexũgu tixü. Rü tama nüxũ tacuèx na ngextá taxũxũ, erü tũmacèx naxẽãne.

12 Pa Chauxacũgũx, pexcèx chanaxümatü erü Cristugagu Tupana marü pexũ nüxũ nangechaũ i perü pecadugü.

13 Pa Papágũx, pexcèx chanaxümatü i ñaã ore erü nüxũ pecuèxgü ya Tanatü ya Tupana ga noxriarü ügũgumama yexmacü. Pa Ngextũxücũgũx, pexcèx chanaxümatü erü marü nüxũ perüyexera i ngẽma ngoxo i Chataná i chixexũãrũ ürü.

14 Pa Buxũgũx, pexcèx chanaxümatü erü marü nüxũ pecuèxgü ya Tanatü ya Tupana. Pa Papágũx, pexcèx chanaxümatü erü marü nüxũ pecuèxgü ya Tanatü ya Tupana ga noxriarü ügũgumama yexmacü. Pa Ngextũxücũgũx, pexcèx chanaxümatü erü peporae, rü guxũguma peãewa nangẽxma i Tupanaãrũ ore, rü marü nüxũ perüyexera i ngẽma ngoxo i Chataná i chixexũãrũ ürü.

15 ¡Tãxũ i pexũ nangúchaũxũ i ñoma i naãne rü norü ngẽmaxũgü! Ngẽxguma chi texéaxũ nangúchaũgu i ñoma i naãne rü tama Tanatü ya Tupanaxũ tangechaũ.

16 Erü guxũma i ngúchaũgü i ñoma i naãnewa ngẽxmaxũ rü ñoma i naãneãrütama nixĩ rü tama Tupanaãrũ nixĩ. Rü ngẽma ngúchaũgü rü ngẽma nixĩ i

taxüneärü ngúchaŭgü, rü taxetüarü ngúchaŭgü, rü yigü na icuèxüŭgüxü tórü ngẽmaxŭgümaã.

<sup>17</sup> Natürü ñoma i naãne rü guxüma i ngúchaŭgü i nawa ngẽxmaxŭ rü tá nagux. Natürü yíxema Tupanaga ñnuxẽ rü guxŭgutáma tamaxŭ.

*Ore i aixcüma ixĩxŭchiga rü ore i dora ixĩxŭchiga*

<sup>18</sup> Pa Chauzacügüx, paxa tá nagux i ñoma i naãne. Pema rü marü nüxŭ pexĩnŭchiga rü tá ínangu i wüxi i Cristuarü uwanü, natürü marü ínangugü i muxüma. Rü ngẽmawa nüxŭ tacuèx na marü nagúxchaŭxŭ i ñoma i naãne.

<sup>19</sup> Rü ngẽma Cristuarü uwanügü rü tatanüwatama nangẽxmagüchirẽx, natürü tama aixcüma tatanüxŭ nixĩgü, erü ngẽxguma chi tatanüxŭ yixĩgügu rü tatanügu chitama narücho. Natürü marü tatanüwa ínachoxŭ na meãma nüxŭ icuáxŭcèx na tama aixcüma tatanüxŭ yixĩgüxŭ.

<sup>20</sup> Natürü pema rü Cristu marü pexna nanamu i Naãe i Üünexŭ, rü ngẽmacèx meãma nüxŭ pecuèx i Tupanaärü ore.

<sup>21</sup> Rü ñuxma rü tama nixĩ na tama nüxŭ pecuáxŭcèx na pexcèx chaxümatüxŭ. Natürü pexcèx chanaxümatü erü marü meãma nüxŭ pecuèx i ngẽma ore i aixcüma ixĩxŭ. Rü nüxŭ pecuèx rü ngẽma ore i aixcüma ixĩxŭwa rü nataxuma i dora.

<sup>22</sup> ¿Texé tíxŭ ya yíxema idoratèxáxe? Yíxema:

“Ngechuchu rü tama aixcüma Cristu ya Tupana Nane nixĩ”, ñagüxe, tixĩ ya idoratèxáxe. Yíxema tixĩ ya Cristuarü uwanü, erü tama nüxŭ tacuáxchaŭ ya Tanatü ya Tupana rü Nane ya Ngechuchu.

23 Guxãma ya yíxema tama nüxŦ cuáxchaŦxê ya Tupana Nane ya Ngechuchu, rŦ tama nüxŦ tacuáxchaŦ ta ya TanatŦ ya Tupana. NatŦrŦ yíxema NgechuchuaxŦ yaxŦxê, rŦ TanatŦ ya TupanaãxŦ rŦ ta tayaxŦ.

24 RŦ ngêmacèx name nixŦ i peyaxŦgŦama i ngêma ore ga noxri nüxŦ pexŦnŦxŦ. RŦ ngêxguma peyaxŦgŦamagu i ngêma ore ga noxri nüxŦ pexŦnŦxŦ, rŦ aixcŦma norŦ duŦxŦgŦ pixŦgŦ ya TanatŦ ya Tupana rŦ Nane ya Ngechuchu.

25 RŦ nümatama ya Ngechuchu ya Cristu nixŦ i tamaã inaxunetaxŦ na tŦxna naxããxŦcèx i maxŦ i taguma gŦxŦ.

26 Nangêxma i duŦxŦgŦ i chixexŦwa pexŦ gagŦchaŦxŦ. RŦ ngêmachiga nixŦ i pexcèx chanaxŦmatŦxŦ i ñã ore.

27 NatŦrŦ pema rŦ marŦ Cristu pexna nanamu i Naã i ŦnŦxŦ, rŦ guxŦguma pewa nangêxma. RŦ ngêmacèx tama penaxwêxe i to i perŦ ngúexêxŦ erŦ nümatama i Naã i ŦnŦxŦ rŦ pexŦ nangúexê i guxŦma. RŦ norŦ nguxêêtae rŦ aixcŦma nixŦ rŦ tama dora nixŦ. RŦ ngêmacèx name nixŦ na guxŦguma CristuaxŦ peyaxŦgŦxŦ, ngêma Naã i ŦnŦxŦ pexŦ ngúexêxŦãcŦma.

28 RŦ ñuxmax, Pa ChauxacŦgŦx, rŦ name nixŦ na meãma CristuaxŦ peyaxŦgŦxŦ na tama nüxŦ imuŦxŦcèx, rŦ tama ixãneêxŦcèx napêxewa i ngêxguma wena nuã naxŦxgu.

29 Pema nüxŦ pecuèx na Cristu rŦ aixcŦma mecŦ yŦxŦ. RŦ ngêxgumarŦŦ ta name nixŦ na nüxŦ pecuáxŦ na guxŦma i duŦxŦgŦ i mexŦ ŦgŦxŦ rŦ TupanaxãcŦgŦ na yixŦgŦxŦ.

### 3

#### *Tupanaxãcügüchiga*

<sup>1</sup> ¡Dücèx, Pa Chaueneëgüx, ñuxãcü poraãcü tüxü nangechaü ya Tanatü ya Tupana! Rü ngëmacèx nixĩ i naxãcügümaã tüxü naxuxü i nümax. Rü aixcüma naxãcügü tixĩgü. Rü ngëmacèx ñoma i naãnecüãx i duüxügü rü tama tüxü nacuáxchaü erü Tupanaxü rü ta tama nacuáxchaügü.

<sup>2</sup> Pa Chaueneëgü ya Pexü Changechaügüxe, ñuxma rü marü Tupanaxãcügü tixĩgü woo tama tüxü nüxü nacuèxë na ñuxãcü tá ixĩgüxü i yixcüra. Natürü nüxü tacuèxgü na Ngechuchurüü tá ixĩgüxü i ngëxguma nangoxgu, erü tá nüxü tadaugü na ñuxãcü yĩxü i nümax.

<sup>3</sup> Rü guxãma ya yixema yaxõxë na Ngechuchurüü tá tiixü, rü tügüna tadau na Ngechuchu ya Cristurüü aixcüma Tupanapëxewa tamexü.

<sup>4</sup> Natürü guxãma ya yixema pecadu üxe, rü Tupanamaã chixexü taxü. Erü ngëxguma tama Tupanaga taxĩnügu, rü tapecaduãx.

<sup>5</sup> Pema nüxü pecuèx rü Ngechuchu ya Cristu rü ñoma ga naãnewa naxü na iyanaxoxëãxücèx i tórü pecadugü. Rü nüma rü taguma pecadu naxü.

<sup>6</sup> Rü ngëmacèx guxãma ya yixema aixcüma nüxü yaxõgüxe, rü tama pecadu taxügüecha. Natürü guxãma ya yixema pecadu üechaxe, rü ngëmaãcü tamaxë erü taguma Cristuxü tadau, rü taguma nüxü tacuèx.

<sup>7</sup> Pa Chauxacügüx, ¡tãxü i naga pexĩnüexü i ngëma duüxügü i pexü iyarütauxexëëchaüxü! Yixema mexü üxe rü aixcüma mecü tixĩ, ngëxgumarüü ya Cristu na aixcüma mecü yĩxürüü.

8 Natürü yíxema pecadu uechaxe rü ngēmawa tūxū tacuèx na Chatanáärü duūxū tīxū, erü nūma i Chataná rü noxriarü ügügumama pecadu naxüecha. Rü yemacèx ga Tupana Nane rü ñoma ga nañnewa naxū na iyanaxoxêēāxūcèx ga yema Chataná üxū.

9 Rü yíxema Tupanaxācū ixīxē rü tama pecadu taxüecha, erü naxācūxūchi tixī. Rü taxuacūma pecadu taxüecha erü Tupana nixī ya tūmanatū.

10 Yíxema chixexū úxe rü tūmaēneēchi aixe, rü tama Tupanaxācū tixī. Rü ngēmawa nūxū tacuèx na texé tixīgūxū ya Tupanaxācūgū rü texé tixīgūxū ya Chatanáxācūgū.

### *Name nixī na yigū ingechaūgūxū*

11 Rü yexguma noxritama pexū tangúexēēgu, rü pemañ nūxū tixu na guxāma yigū ingechaxūgūxū.

12 Rü tama tanaxwèxe na Caírūū ngoxo i Chatanáxācū ixīgūxū. Yerü nūma rü naēneēxū nimèx. ¿Rü tacūcèx nixī ga yamáāxū? Nayamèx yerü yema nūma naxūxū rü tama name, rü yema naēneē üxū rü name.

13 Pa Chaueneēgūx, jtāxū i pebaixāchiāēgūxū ega pexchi naxaiegu i ñoma i nañnecūāx i duūxūgū!

14 Yixema rü marü nūxna ítanguxū i ngēma yu rü ñuxma rü marü maxūwaama tangēxmagū. Nūxū tacuèxgū i ngēma erü nūxū tangechaūgū i taeneēgū. Yíxema tama tūmaēneēxū ngechaūxē rü yuwatama tangēxma.

15 Rü yíxema tūmaēneēchi aixe rü wūxi i máētaxūrūū tixī. Rü pema nūxū pecuèxgū i wūxi i máētaxū rü nūxū nataxuma i norü maxū i taguma gūxū.



16 Rũ Ngechuchu ya Cristu rũ tórũ pecaducèx nayu, rũ yemaãcü tũxũ nũxũ nadauxẽẽ i ngẽma ngechaũ i aixcũma ixĩxũ. Rũ ngẽxgumarũ ta i yixema, rũ tanaxwèxe na ímemarexũ na nũxũ rüngũxẽẽxũ i taeneẽgũ woo ngemagu iyuxgu.

17 Natürũ ngẽxguma chi wũxi i yatũãxũ nangẽxmagu i muxũma i norũ ngẽmaxũgũ, rũ chi nũxũ nadẽuxgu i namücũ na nũxũ nataxuxũ, rũ taxuacũma:

“Choma rũ Tupanaxũ changechaũ”, ñanagürũ, ega tama nũxũ nangũxẽẽgu i namücũ.

18 Pa Chauzacũgũx, tama name i taẽxmaã rũ tórũ oremaãxĩcatama nũxũ tangechaũ i taeneẽ. Natürũ tanaxwèxe i tórũ maxũmaã rũ tórũ ü i mexũmaã nũxũ tangechaũ.

### *Tama taxãneẽ na Tupanana ingaicamagũxũ*

19-20 Rũ ngẽxguma aixcũma yigũ ingechaũgũgu, rũ nũxũ tacuèx na aixcũma naga ixĩnũẽxũ i ngẽma ore i aixcũma ixĩxũ, rũ Tupanapẽxewa rũ aixcũma naxãcũgũ ixĩgũxũ, woo ngẽxguma taãewa nagu rũxĩnũgu rũ:

“Tama Tupanaxãcü chixĩ”, ñagũgu. Erũ nũxũ tacuèx rũ Tupana nixĩ i taãẽärũ yexera, rũ nüma nũxũ nacuèx i guxũma.

21 Pa Chaueneẽgũ ya Pexũ Changechaũgũxex, ngẽxguma taãewa nũxũ icuèxgu na Tupanaxãcũxũchi ixĩgũxũ, rũ tama taxãneẽ na nũxna ingaicamagũxũ ya Tanatũ ya Tupana.

22 Rũ nüma tá tũxna nanaxã i guxũma i tacũ i naxcèx íçaxũ erũ naga taxĩnũẽ i ngẽma tũxũ namuxũ rũ tanaxũ i ngẽma nüma namaã nataãẽxũ.

23 Rû nüma tüxũ namu na Nane ya Ngechuchu ya Cristuaxũ yaxõgũxũ rû yigü ingechaũgũxũ, yema nüma tüxũ namuxũãcü.

24 Rû yíxema naga ñnüëxê i ngêma Tupana tüxũ muxũ, rû aixcüma Tupanaãrû duũxũgũ tixĩgũ rû nüma ya Tupana rû aixcüma tümawa namaxũ. Rû ñuxma rû nüxũ tacuèx na aixcüma Tupanaãrû duũxũgũ ixĩgũxũ rû tawa namaxũxũ, erü Naãe i Üünexũ ga tüxna namuxũ tüxũ nüxũ nacuèxêê.

## 4

*Yíxema tüxũ nangêxmaxê i Tupanaãe i Üünexũ rû yíxema tüxũ nangêxmaxê i Cristuarü uwanüãe*

1 Pa Chaueneëgü ya Pexũ Changechaũgũxex, ;Tãxũ i nüxũ peyaxõgũxũ i guxũma i orearü uruũgü i nügü ixugũgũxũ na aixcüma Tupanaãrû orearü uruũgü yixĩgũxũ! Natürü name nixĩ i penangugü i norü ore na nüxũ pecuáxũcèx ngoxita aixcüma Tupanaãe yĩxũ i nawa idexaxũ rû êxna tama. Erü ñoma i naãnewa rû guxũwama nangêxma i muxũma i idoratèèxgũxũ i nügü ixugũxũ na Tupanaãrû orearü uruũgü yixĩgũxũ.

2 Rû tá pemaã nüxũ chixu na ñuxãcü tá nüxũ pecuáxũ na texé tĩxũ ya yíxema aixcüma Tupanaãe tümawa ngêxmaxê. Rû dücax, guxũma i orearü uruũgü i nüxũ ixugũxũ na Tupana duũxũxũ yaxĩëëxũ ya Ngechuchu ya Cristu, rû ngêma nixĩ i aixcüma Tupanaãe nawa idexaxũ.

3 Natürü guxũma i ngêma orearü uruũgü i tama nüxũ ixugũxũ na Tupana duũxũxũ yaxĩëëxũ ga Ngechuchu, rû ngêma rû tama nüxũ nangêxma i Tupanaãe i Üünexũ. Natürü Cristuarü uwanüãe

nixĩ i nawa ngẽxmaxũ. Marũ nüxũ pexĩnüẽ na ínanguxchaũxũ i Cristuarũ uwanũ, natürũ ñuxma rü marũ ñoma i nañewa nangẽxma.

<sup>4</sup> Pa Chauxacügüx, pema rü Tupanaxãcügü pixĩgü. Rũ marũ nüxũ perüyexera i ngẽma tama aixcũma Tupanaãrũ orearũ uruũgü ixĩgüxũ. Erũ ngẽma Tupanaãẽ i Üünexũ i peãẽwa ngẽxmaxũ rü nüxũ narüyexera i ngẽma Cristuarũ uwanüãẽ i ñoma i nañecũãxgüwa ngẽxmaxũ.

<sup>5</sup> Rũ nüma i Cristuarũ uwanüãrũ duũxügü rü ñoma i nañecũãxgü nixĩ. Rũ ngẽmacèx ñoma i nañechigagu nidexagü. Rũ ñoma i nañecũãx i duũxügü rü nüxũ inarüxĩnüẽ.

<sup>6</sup> Natürũ i yixema rü Tupanaxãcügü tixĩgü. Rũ yixema Tupanaxũ cuáxe rü tüxũ itarüxĩnü. Natürũ yixema tama Tupanaxũ cuáxe rü tama tüxũ itarüxĩnü. Rũ ngẽmawa nüxũ tacuèxgü na texé tixĩgüxũ ya aixcũma Tupanaãrũ duũxügü ixĩgüxe rü texé tixĩgüxũ ya Cristuarũ uwanüãrũ duũxügü ixĩgüxe.

### *Tupana tüxũ nangechaũ*

<sup>7</sup> Pa Chaueneẽgü ya Pexũ Changechaũgüxex, name nixĩ na yigü ingechaũgüxũ, erũ Tupana nixĩ ya tüxũ ngüexẽcũ na yigü ingechaũgüxũ. Rũ guxãma ya yixema tümaẽneẽxũ ngechaũxẽ rü Tupanaxãcũ tixĩgü rü Tupanaxũ tacuèx.

<sup>8</sup> Yixema tama tümaẽneẽxũ ngechaũxẽ rü tama Tupanaxũ tacuèx, erũ Tupana nixĩ ya tüxũ ngüexẽcũ na yigü ingechaũgüxũ.

<sup>9</sup> Tupana rü ñoma ga nañewa nanamu ga Nane ya nügümaã wüxicacũ na yimagagu tüxũ nangẽxmaxüçèx i maxũ i taguma güxũ. Rũ

yemawa Tupana tüxü nüxü nadauxëẽ na ñuxãcü tüxü nangechaüxü.

10 Rü woo Tupanaxü tangechaüğü, natürü ngëma ngechaü i guxüärü yexera ixixü nixi na nüma tüxü nangechaüxü rü ñoma ga naãnewa na namuãxü ga Nane na taxcèx nayuxücèx rü naxütanüãxücèx ga tórü pecadugü.

11 Pa Chaueneëgü ya Pexü Changechaügüxex, yexguma yemaãcü tüxü nangechaügu ga Tupana, rü ngëmacèx name nixi i yixema rü ta yigü tangechaügü.

12 Taguma texé Tupanaxü tadau. Natürü ngëxguma aixcüma yigü ingechaügügu, rü Tupana rü tawa namaxü rü norü ngechaü rü aixcümaxüchi tórü maxüwa nangox.

13 Rü nüma rü marü tüxna nanamu ga Naãe i Üünexü. Rü ngëmawa nüxü tacuèx na aixcüma norü duüxügü ixigüxü rü nüma rü tawa na namaxüxü.

14 Rü tomatama nüxü tadaugü rü nüxü tixuchi-gagü na Tanatü ya Tupana núma namuxü ga Nane na guxüma i duüxügüxü namaxëxëxücèx.

15 Rü yixema yaxõxë rü nüxü ixuchigaxe na Tupana Nane yixü ya Ngechuchu, rü aixcüma Tupanaärü duüxü tixi, rü Tupana rü tümawa namaxü.

16 Rü yixema nüxü tacuèxgü rü tayaxõgü na Tupana rü poraãcü tüxü nangechaüxü, erü nüma nixi i aixcüma guxãxü nangechaüxü. Rü yixema aixcüma tümãeneëxü ngechaüxë, rü Tupanaärü duüxü tixi, rü nüma ya Tupana rü aixcüma tümawa namaxü.

17 Rü ngëxguma aixcüma Tupanaxü ingechaügügu, rü tórü maxüwa nangox i ngëma,

rü täütáma nüxü tamuüẽ i ngẽma ngunexü i nagu tüxü yacagüxügu naxcèx i tórü maxü. Erü woo ñoma i naãnewa tangẽxmagü, natürü napẽxewa rü Cristurüü tixígü.

18 Rü ngẽxguma aixcüma Tupanaxü ingechaüügü, rü nüxü tacuèx na täütáma tüxü napoxcuexü, rü ngẽmacèx taxucèxma nüxü tamuüẽ. Natürü ngẽxguma chi nüxü imuüẽgu, rü nüxü tacuèx na tama aixcüma nüxü ingechaüügüxü.

19 Rü yixema rü Tupanaxü tangechaügü, yerü nüxïra tüxü nangechaü ga nümax.

20 Ngẽxguma chi texé:

“Choma rü Tupanaxü changechaü”, ñagügu, natürü tümaẽneẽchi taxaixgu, rü tidora. Erü ngẽxguma tama nüxü tangechaügu i tümaẽneẽ i nüxü tadauxü ¿rü ñuxücürüwa tá nüxü tangechaü ya Tupana ya tama nüxü tadaucü?

21 Rü Ngechuchu ya Cristu tüxü namu rü ñanagürü:

“Yixema Tupanaxü ngechaüxë, rü name nixï na tümaẽneẽxü rü ta tangechaüxü”, ñanagürü.

## 5

### *Nüxü tarüyexera i ñoma i naãneãrü ngüchaügü*

1 Ngechuchu rü Tupana Nane ya Cristu nixï. Rü guxãma ya yixema nüxü yaxõxë, rü Tupanaxãcü tixígü. Rü yixema Tanatü ya Tupanaxü ngechaüxë, rü nüxü tangechaü ta i guxüma i naxãcügü.

2 Rü ngẽxguma Tupanaxü ingechaüügü rü naxüxgu i ngẽma nüma tüxü namuxü, rü nüxü

tacuèx na aixcüma nüxü ingechaũgüxü i ngẽma naxãcügü ixĩgüxü.

<sup>3</sup> Rũ ngẽxguma aixcüma Tupanaxü ingechaũgügu rü naga taxĩnüẽ i ngẽma tüxü namuxü. Rũ ngẽma tüxü namuxü rü tama naguxcha na naga ixĩnüẽxü.

<sup>4</sup> Erü guxãma ya aixcüma Tupanaxãcü ixĩxẽ, rü tama ñoma i naãneãrũ ngúchaũ i chixexũgu tarüxĩnü. Rũ yixema rü tayaxõgü, rü ngẽmacèx tama name i ñoma i naãneãrũ ngúchaũ i chixexũgu tarüxĩnüẽ.

<sup>5</sup> Rũ yixema yaxõxẽ na Tupana Nane yĩxü ya Ngechuchu, rü yixema tixĩ ya tama ñoma i naãneãrũ ngúchaũ i chixexũgu rüxĩnüxẽ.

### *Ore i Tupana Nanechiga*

<sup>6</sup> Rũ nüxü tacuèx na aixcüma Tupana Nane yĩxü ya Ngechuchu. Yerü yexguma ñoma ga naãnewa nayexmagu rü dexáwa ínabaiegu, rü nũmatama ga Tupana nüxü nixu na Nanexüchi yĩxü. Rũ yexguma curuchagu nayuxgu rü nagü inabaãgu ga Ngechuchu, rü Tupana rü wenaxãrũ inanawèx na aixcüma Nane na yĩxü. Rũ ngẽxgumarüü ta i ngẽma Naãẽ i Üünexü i taguma idoraxü, rü tüxü nüxü nacuèxẽẽ na aixcũmaxüchi Tupana Nane na yĩxü.

<sup>7</sup> Rũ ngẽmaãcü tüxü nangẽxma i tomaẽxpüx i cuèxruũgü i tüxü nüxü cuèxẽẽxü na aixcüma Tupana Nane yĩxü ya Ngechuchu.

<sup>8</sup> Rũ ngẽma norü wüxi nixĩ i Naãẽ i Üünexü, rü ngẽma norü taxre nixĩ ga yema Tupanaga ga yexguma Ngechuchu dexáwa íbaiegu, rü ngẽma norü tomaẽxpüx nixĩ ga yema Tupana üxü ga yexguma curuchagu nagü inabaãgu ga

Ngechuchu. Rü guxũma i ngẽma tomaẽxpũx, rü wũxigu nüxũ nixu na aixcũma Tupana Nane yĩxũ ya Ngechuchu.

<sup>9</sup> Nüxũ tayaxõgũ i duũxũgũ ega ƣacũxũ tamaã yaxugũgu. Natürũ Tupanaãrũ ore nixĩ i yexeraãcü aixcũmaxũchi ixĩxũ. Rü Tupana nixĩ ya tamaã nüxũ ixucũ na Ngechuchu rü Nane yĩxũ.

<sup>10</sup> Rü yĩxema nüxũ yaxõxẽ ya Tupana Nane rü nüxũ tacuèx na aixcũma yĩxũ i ngẽma ore i Tupana nüxũ ixuxũ i Nanechiga. Natürũ yĩxema tama Tupanaãxũ yaxõxẽ rü doratèx nüxũ tawogũ ya Tupana erũ tama tayaxõ i ngẽma ore i Tupana nüxũ ixuxũ i Nanechiga.

<sup>11</sup> Rü ñaã nixĩ i norũ ore ya Tupana i tamaã nüxũ yaxuxũ, rü ñanagürũ:

“Chomatama marũ pexna chanaxã i maxũ i taguma gũxũ. Rü ñaã maxũ rü Chaunegagu pexũ nangẽxma”,  
ñanagürũ.

<sup>12</sup> Yĩxema nüxũ yaxõxẽ ya Tupana Nane rü tüxũ nangẽxma i ngẽma maxũ i taguma gũxũ. Natürũ yĩxema tama nüxũ yaxõxẽ ya yima Tupana Nane rü tama tüxũ nangẽxma i ngẽma maxũ.

*Cuáũ rü ñuxre ga norũ ucuxẽmaã inayacuèxẽẽ ga norũ popera*

<sup>13</sup> Pa Chaueneẽgũx ya Tupana Naneãxũ Yaxõgũxex, pexcèx chanaxũmatũ i ñaã ore na nüxũ pecuáxũcèx na pexũ nangẽxmaxũ i ngẽma maxũ i taguma gũxũ.

<sup>14</sup> Rü ngẽmacèx tama taxãneẽ na nüxna ingaicamagũxũ ya Tupana. Rü nüxũ tacuèxgũ ega ƣacücèx

nüxna icaxgu, rü nüma tüxü naxĩnü i ngëxguma norü ngüchaũ yixĩgu i ngëma naxcèx nüxna icaxü.

15 Rü ngëxguma nüxü icuèxgu na nüma tüxü naxĩnüxü i ngëxguma tacücèx nüxna icaxgu, rü nüxü tacuèx ta na tüxna naxããxü i ngëma naxcèx nüxna icaxü.

16 Rü ngëxguma chi texé nüxü dèuxgu i tümaëneë na pecadu naxüxü, rü name nixĩ na naxcèx tayumüxexü ega tama pecadu i iyanatauxëëxü yixĩgu. Rü Tupana tá nanamaxëë i ngëma tümaëneë ega tama pecadu i iyanatauxëëxü yixĩgu. Nangëxma i pecadu i tüxü iyarütauxëëxü. Rü ngëxguma ngëma pecaduwe naxüãmagu i wüxi i peeneë, rü tama pemaã nüxü chixu na naxcèx peyumüxëgüxü.

17 Guxüma i chixexü i ixüxü, rü pecadu nixĩ. Natürü nangëxma i pecadu i tama tüxü iyarütauxëëxü.

18 Rü nüxü tacuèx, rü yixema Tupanaxãcü ixixë, rü tama pecadu taxüecha, erü nüma ya Tupana Nane rü tüxna nadau. Rü taxuacüma tüxna nangaicama i ngoxo i Chataná i tüxü pecaduãxëëchaũxü.

19 Nüxü tacuèxgü na Tupanaxãcügü ixigüxü, natürü guxüma i ñoma i naãnecüãx rü ngoxo i Chatanámxëëwa nangëxmagü.

20 Rü nüxü tacuèx ta na ñoma ga naãnewa nanguxü ga Tupana Nane, rü tüxna nanaxã ga cuèx na nüxü icuèxgüxücèx ya yima aixcümamaxüchi Tupana ixĩcü. Rü norü duüxügü tixigü ya yima aixcümamaxüchi Tupana ixĩcü, erü Nane ya Ngechuchu ya Cristuarü duüxügü tixigü. Rü nüma ya Tupana Nane nixĩ i aixcümamaxüchi Tupana yixü



rü tüxna naxããxŦ i maxŦ i taguma gúxŦ.

<sup>21</sup> Pa Chauxacügüx, ¡Pegüna pedaugü na tama nüxŦ peyaxögüxcèx i tupanachicügü! Rü ngëxĩcatama nixĩ i chorü ore i pemaã nüxŦ chixuxŦ.

Rü nuãma pexna,  
CuáŦ

**Tupanaarü Ore i Tóru Cori ya Ngechuchu ya  
Cristuchiga  
New Testament in Ticuna (PE:tca:Ticuna)**

copyright © 2008 Wycliffe Bible Translators, Inc.

Language: Ticuna

Translation by: Wycliffe Bible Translators, Inc.

Ticuna

tca

Peru

**Copyright Information**

© 2008, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Ticuna

**© 2008, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

---

PDF generated using Haiola and XeLaTeX on 18 Apr 2025 from source files dated 29 Jan 2022

9d5dc22a-30be-5d26-85a9-76047f4c89e6